



Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacatione, Amissione, Et Extinctione Beneficiarvm ...

Leuren, Peter

Coloniæ Agrippinæ, 1704

663. An, & qualiter extinguatur pensio morte pensionarii alterius Ordinarii.

[urn:nbn:de:hbz:466:1-74494](#)

ad favorem talis fiduciarii, vel ejus translatariorum, cum declaratione, ut moriente interim dicto fiduciario ante factam translationem, vel etiam post eam factam morientibus translatariorum, aut moriente ipso proviso de beneficio, cesseret ac evanescat obliatio, ac si nullatenus unquam fuisse?

Respondeo ad primum: Non cessare illam obligationem Cedulista, dum mors fiduciarii contingit Sede Papali plena, factaque jam translatione pensionis in alium similem fiduciarium, extra controversiam est. Card. de Luc. de pens. d. 73. n. 1. & n. 2. subiungens, in hoc casu procedere Decisions illas Rota, quas ministri Datariae pro duratione talis obligationis afferebant contra se agentem in causa quadam Romana per Schedulistas. Sed neque cessare dictam obligationem in casu mortis civilis contingentis Sede Papali vacante, dum v. g. fiduciarius talis Sede vacante afflumeret statum militarem: unde, cum Papa noviter creatus, privando illum dictam fiduciarii pensione, alium deputaret fiduciarium, in quem translationem faceret; ed quod tunc adhuc verificaretur obligatio cedulista, qua se obstrinxit solvendi illis, in quos vivente reservatario pensionum translatio facta esset, tradit idem Card. loc. cit. n. 15. Cessare vero illam, ubi dicta mors naturalis, Sede Papali vacante (etsi admittat, eo casu non cessare obligationem ipsius titularis solvendi pensionem) probat idem Card. ibid. à n. 3. supponendo imprimitis, translationem in alium pensionarium non esse factam in mortis articulo, Sede Papali adhuc plena, nec eam Sede vacante fieri posse; sed necessario faciendam ex intervallo per Papam de novo creatum. Dein assignando inter praedictum Cedulista, & ipsius titularis hoc discrimen, quod beneficiatus contendat de lucro proveniente à gratia & benignitate Papæ, qui, cum juxta magis receptam Canonistarum sit absolutus Dominus beneficiorum, sicut tollere potest beneficium uni, & dare alteri, ita multò magis mandare, & facere potest istiusmodi servitutis, vel oneris pensionis continuationem, etiam citra consensum titularis, adeoque conqueri non possit titularis, si in dicto casu creatus de novo Papa pensionem illam transferat in fiduciarium alium. Econtra autem, ut tradit n. 3. in fideijustore, seu schedulista, & campfore tali ejusdem obligatio rigorose & strictissime sit intelligenda ad limites verborum, neque admitti in ea debeat extensio à casu ad casum, etsi identitas rationis accedit; ed quod actus voluntarii non debeant plus obligare, quam est voluntas. Tum etiam, quia agitur de contractu correspondivo, & consequenter non agatur de lucro captando ex gratia & concessione Papæ, sed de damno vitando, nempe, ne maneat obligatus ad id, ad quod se noluit obligare. Unde propterea esset quodammodo violare jus naturæ, vel gentium, extendere obligationem ultra propriam voluntatem, quod, ubi non urget publica necessitas, vel utilitas, fieri non potest, nec debet. Verumtamen n. 17. Idem Card. videtur resolvere in contrarium, nimis, neque in contingentia mortis naturalis fiduciarii Sede Papali vacante extinguiri ejus obligationem; non tantum ex eo, quod, ut dictum quæst. præced. quidam circumferant, de stylo Datariae in deputatione talis fiduciarii contextualiter deputari quoque successorem, in quem generalis translatio fiat pro

tempore, quando mors ejus contigerit; sed etiam quia cessat dicta ratio, quod Cedulista contendat de damno vitando, cum in effectu saltem arguendo à frequentiore contingentia hujusmodi Campiones, qui pro tali Fiduciario has cedulas faciunt, non soleant id facere, nisi cum eorum assecratione, habendo equivalentiam in manibus, vel aliam cautionem, adeo ut Cedulista liberato potius concernat jus, vel interesse ipsius titularis. Item quod apud eosdem Cedulistas notum est, quod pensionis duratio, vel extinctio non pendas à persona fiduciarii, sed ab illa commodatariorum; unde propterea non urget allata prius ratio cessantis in Cedulista voluntatis se obligandi.

Respondeo ad secundum: Expirare illam Cedulista obligationem per mortem Commodatarii, et si Reservatarius supervivat. Card. de Luc. cit. n. 17. Sic Lott. l. 1. q. 36. n. 97. tradit, una cum persona contemplata, seu Commodatario præmortuus extinguiri omnes obligationes ad favorem Reservatarii, seu in cuius caput reservata pensio, & hic ejus actionem remanere elisam. De quo etiam dixerat n. 96. quod, dum sunt quietantia nomine illius Reservatarii, & dein contingat, pensionem declarari nullam, tamen ipse non tenetur ad restitutionem, sed sufficiat, eum cedere actiones contra Commodatarium, quem Lott. confuevit vocare Confidentialiarum.

Questio 663. An, & qualiter extinguatur pensio morte Pensionarii alterius Ordinarii?

Respondeo: Nisi translatam fuerit pensio vivente pensionario, ejusdem morte extinguitur penitus, sicut ususfructus morte ususfructuarum. Lott. l. 1. q. 42. n. 44. Castrop. cit. §. 10. n. 1. Azor loc. cit. n. 10. ad initium. Paris. l. 6. q. 2. n. 11. Garc. p. 1. c. 5. n. 239. Corrad. pr. benef. l. 5. c. 5. n. 24. Sic quoque per ejusdem mortem civilem, puta assumptionem militæ secularis, extinguiri pensionem, tradit Card. de Luc. de pens. d. 73. n. 16. juxta dicta à nobis supra,

Questio 664. An, & qualiter cesseret pensio per cessionem voluntariam ipsius pensionarii?

Respondeo primò: Ex solo consensu Pensionarii, citra Papæ, aut alterius Superioris auctoritatem, potest non solum minui pensio, seu pars illius remitti. Azor p. 2. l. 8. c. 10. q. 5. Castrop. de benef. d. 1. p. II. §. 10. n. 11. Lott. l. 1. q. 42. n. 42. (qui etiam n. 43. addit, in tali quantitate immunita conservari idem jus, nec propriae censi diversam, sed eandem prorsus pensionem, quæ prius reservata) Barbol. juris Eccles. l. 3. c. 11. n. 78. Card. de Luc. de pens. d. 5. n. 3. Tond. qq. benef. p. 1. c. 35. n. 1. ubi etiam, quod fieri nequest conventione vel prohibito, per quam Pensionarius prohibeatur extinguere pensionem, nisi talis conventione vel prohibito fuerit summi Pontificis auctoritate firmata; quia pensionis extinctio principaliter cedit in utilitatem Ecclesia. Sed et totum pensionis onus in totum extinguiri. Castrop. Azor. Barb. II. cit. Lott. loc. cit. n. 7. Paris. loc. cit. q. 2. c. 123. Card. de Luc. de pens. loc. cit. & d. 11. n. 9. Tond. ubi ante. Garc. p. 1. c. 5. n. 19. citans quamplurimos. Cum enim pensio unicæ in utilitatem Pensionarii constituta sit, potest solum illius hoc suo favore renunciantis voluntate cassari. Castrop.